

martuorum ibidem Ecclesiastica tradantur sepulture, nisi nominatim fuerint excommunicati, & interditi, seu publice usurarii; ipsosque Fratres Procuratores, vel Nuntios expectantes expectatione pacifica infra Missarum solemnia donec, & quousque presens Mandatum Apostolicum in locis, & quousque presens Mandatum Apostolicum in locis, ubi verbum Divinum est predicari consueverunt, fuerit substantialiter declaratum; quia isti non sunt questores, sed Religiosi sacrum habitum portantes; quare ipsos p[er] ceteris omnibus volumus anteferri.

*Prædicti Fratres ad p[ro]curandis pluris p[ro]curatorum legem consuetudinam.*

§. 4. Nos enim de omnipotentis Dei misericordia, & Beatorum Petri, & Pauli Apostolorum ejus, auctoritate confisi, singulis diebus pro qualibet elemosyna, unum annum, & 40. dies de injunctis sibi penitentiis misericorditer in Domino relaxamus; adhuc etiam in dedicatione, & statione Sanctæ Mariæ Ecclesiæ, & in peregrinatione Terræ Sanctæ, omnes benefactores hujus pii operis facimus participes, & confortes in æternum. Sacerdotibus vero, & Clericis, tam Religiosis, quam secularibus, qui hujusmodi negotium expediverint cum affectu, manusque charitatis ad exemplum aliorum portaverint adiutores, quidquid de divinis officiis, & horis canonicis dicere omiserint, per gratiam sancti Spiritus, misericorditer in domino indulgemus.

*Quod possit ab omnibus votis absoluti, exceptis, &c.*

§. 5. Remittimusque omnia vota, dispensando tamen cum dictis Fratribus, aut eorum Nuntiis pro Redemptione captivorum (inspecta tamen qualitate voti, & possibilitate personæ) ut à dictis votis totaliter absolvantur, exceptis votis Castitatis, Religionis, & Hierosolymitano.

*A rebus male acquisitis, modis, &c.*

§. 6. Et etiam peccata venialia & oblita, offensas patrum, & matrum, manuum injectiones violentas, juramenta falsa sine damno alterius, penitentiis pro impossibilitate non factas, usuras, rapinas, & omnia male acquisita, nisi sciatis, eujus sint, si mittantur huic sancto operi, sint à nobis absoluti.

*A festis Sancti Mariae malè celebratis.*

§. 7. Præterea remittimus omnia Festa Sanctorum malè celebrata; & ad humilem supplicationem dictorum Magistrum, & Fratrum Redemptionis attendentes, prout percipimus; quod cum dicti fideles Christiani incarcerati diebus Dominicis, & festis quiescere deberent, dicti maledicti Saraceni dictos captivos arare, fodere, & laborare faciunt plusquam aliis diebus; & hoc pro despectu, & vituperio nominis, & passionis Domini nostri Jesu Christi, omnem offensam dierum Dominicarum, & festivitatum annualium misericorditer in Domino relaxamus.

*Quod possit pro eligere confessionem idcirco.*

§. 8. Insuper volumus, & de gratia speciali concedimus pro animarum remedio salutari quod si quis fidelis Catholicus aurum, vel argentum, aut aliquod charitatis subsidium donaverit, vel secundum qualitatem suam transierit, quod dictus benefactor possit sibi eligere confessorem idoneum, qui auctoritate nostra Apostolica ipsum absolvat, & de commissis sibi injungat penitentiam salutarem exceptis casibus, pro quibus Sedes Apostolica merito esset consulenda; & si dictus benefactor infra annum moriatur, dum tamen sit in statu gratiæ infra dictum terminum, seu in morte verè penitens, & confessus, & corde contritus ab omnibus peccatis suis, auctoritate nostra Apostolica, permaneat plenarie absolutus.

*Pro his peccatis ne quis d. Fratres injuriarum perjurias.*

§. 9. Inhibemus insuper sub pena canonica, ne quis dictis Fratribus, vel eorum Nuntiis presens mandatum nostrum Apostolicum secum portantibus in aliquo injuriari præsumant. Villas autem, Castra, seu Ecclesias, in quibus fractio, seu injuriatio facta fuerit, aut mandatum nostrum Apostolicum fuerit impeditum, seu etiam perturbatum quoquo modo, aut eorum bona detenta, præter eorum voluntatem, Ecclesiastico supponimus interdicto. Et illis, qui laboraverint pro commodo, & utilitate hujus pii operis, sit cum eis pax, & benedictio Domini nostri Jesu Christi; & propter hoc recipiant in hoc mundo corporibus augmentum, & animabus vitam æternam. Et in omnibus sacrificiis, & Missis, quæ Deo propitio, fient, & celebrabuntur in toto Pontificatu Romano, & in membris ejus omnes benefactores hujusmodi sanctæ Redemptions volumus fieri participes, & confortes in æternum.

demptionis volumus fieri participes, & confortes in æternum.

Datum Perusie quinto Nonas Maii, Pontificatus nostri anno quarto.

*D. P. A. die 5. Maii.*



CONST. IV.

URBANI IV.

Concedit Pontifex, quod Religiosi professi Ordinis B. Mariæ de Mercede Redemptionis Captivorum in bonis temporalibus succedere possint, non minus quam si in sæculo permansissent.

URBANVS EPISCOPVS, Servus Servorum Dei: Dilectis filiis Magistro, & Fratribus Ordinis Sanctæ Mariæ de Mercede sub Regula Sancti Augustini, salutem & Apostolicam benedictionem.

§. 1. Cum ex parte vestra propositum nobis fuerit, quod nonnulli Judices Laici dicentes, vos mundo renuntiasse, à successibus temporalium excludere nitentur, super quo, ne contingat domos vestras aliquod incurere nocumentum, humiliter supplicastis, ut congruum remedium diligentæ paternæ adhibere curarem.

*Causa hujusmodi confirmata.*

§. 2. Nos itaque devotionis vestræ precibus inclinati, auctoritate presentium vobis indulgemus, ut possessiones, & alia bona tam mobilia, quam immobilia, in quibus personæ Fratrum, ad Monasteria vestra è sæculo fugientium, & professionem facientium, si in sæculo permanerent, successissent, licitè possitis petere, ac retinere, vel vendere; pretiumque in vestram utilitatem convertere; prout melius vobis videbitur expedire.

*Conceditur, si in dictis in suis.*

§. 3. Nulli ergo omnino hominum liceat hanc paginam nostræ concessionis, & declarationis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, & Beatorum Petri, & Pauli Apostolorum ejus se noverit incursum.

*Sanctum malum.*

Datum Viterbii decimo Kalendas Aprilis, Pontificatus nostri anno primo.

*D. P. A. die 10. Kal. Aprilis.*

CONST. V.

URBANI V.

Concedit Pontifex Religiosis Sacerdotibus Ordinis B. Mariæ de Mercede Redemptionis Captivorum ad Infideles declinantibus facultatem audiendi confessiones omnium fidelium inter eos degentium.

URBANVS EPISCOPVS, Servus Servorum Dei: Dilectis filiis Magistro, & Fratribus Ordinis Beate Mariæ de Mercede Captivorum, salutem, & Apostolicam benedictionem.

Votis vestris, illis præsertim, quæ salutem animarum respiciunt, libenter annuimus, & favorem benevolum impartimur.

*Exordium.*

§. 1. Cum itaque nuper accepta pro parte vestra petitio continebat, sæpè contingere aliquos ex fratribus vestris ad partes ultramarinas, & cæteras, quæ per Saracenos, & alios Infideles detinentur, pro redimendis fidelibus Christianis ibidem captivis declinare.

*Causa hujusmodi confirmata.*

§. 2. Nos ad ea, quæ ad fidelium ipsorum spirituum consolationem, & profectum animarum cedere valeant, desiderabiliter intendentes; vestris in hac parte supplicationibus inclinati, singulis vestrum, qui videlicet in presbyteratus ordinem fuerint constituti, quoad pro præmissis ibi moram traxerint, audiendi, quoties

*Religiosi cordibus. Ordinis B. Mariæ de Mercede concessit Pontifex facultatem audiendi.*

quoties fuerit opportunam, confessiones fidelium eorumdem, etiam non temporum, & huiusmodi confessionibus diligenter auditis, pro commissis debitam fidelibus ipsa absolutionem impendendi, & in iungendi poenitentiam salutarem, nisi forte talia fuerint, propter quae Sedes Apostolica sit merito consulenda plenam, & liberam tenore praesentium concedimus facultatem.

Dat. Avinioni tertio Kal. Martii, Pont. nostri anno 3.



CONST. VI.

URBANI VI.

Ordinem B. Mariae de Mercede Redemptionis Captivorum laudat; Prohibetque Archiepiscopis, Episcopis, & aliis Ecclesiae Praelatis, ac Indulgentias, & privilegia illius fratribus concessa interpretari praesumant.

AN. D. V. R. B. A. N. V. S. E. P. I. S. C. O. P. V. S. Servus Servorum Dei. Dilectis filiis Priori, & fratribus Domus S. Mariae de Mercede Captivorum Barchinonensis, Ordinis S. Augustini salutem & Apostolicam benedictionem.

§. 1. Lociosa semper, & ubique laudabilis de Mercede Captivorum Religio, in qua Ecclesiae Christi adversus fidei hostes, & in proximorum utilitatem plurimum deservit, promeretur, ut ipsa nos sincera diligentes in Domino charitate, ea vobis libenti animo concedamus, per quae, omnis turbationis causa remota, sancti instituti vestri suavior exequutio procuretur.

§. 2. Nuper siquidem pro parte vestra conquisitio proposita est quod nonnulli Archiepiscopi, Episcopi, & alii Praelati Ecclesiastici vestris libertatibus derogabant, indulgentias, seu privilegia vobis ab Apostolica Sede concessa interpretando, & ad suum intellectum trahendo; ac praesertim, quod vos, juxta ipsorum interpretationem, privilegiis ipsis uti, & non aliter compellunt, quod in non modicum damnum vestrum emergit, super quo nobis fuit humiliter supplicatum, ut cura, & diligentia paternae de opportuno remedio provideremus.

§. 3. Nos vestris supplicationibus inclinati, ne praefati Archiepiscopi, sive Episcopi, & alii Ecclesiae Praelati dicta privilegia, & indulgentias (etiam si dubia contineant) de cetero interpretari praesumant, auctoritate praesentium districtius inhibemus. Volentes insuper, ut (cum ejus sit interpretari, cujus est condere) interpretatio super huiusmodi dubiis a Sede Apostolica requiratur.

§. 4. Nulli ergo omnino hominum liceat hanc paginam nostrae prohibitionis, & voluntatis infringere, vel ei ausu temerario contraire. Si quis autem hoc attentare praesumpserit, indignationem Omnipotentis Dei, & B. Petri, & Pauli Apostolorum ejus se noverit incursum.

Dat. Romae apud S. Petrum decimo Idus Junii, Pont. nostri anno primo.



CONST. VII.

NICOLAI V.

Commendat Ordinem B. Mariae de Mercede Redemptionis Captivorum; ipsamque cum omnibus suis personis, & bonis, diversis Summorum Pontificum constitutionibus jam exemptum, & sub immediata protectione Sedis Apostolicae receptum, iterum ab omnimoda jurisdictione Ordinariorum eximit, ac exemptum declarat.

AN. D. N. I. C. O. L. A. V. S. E. P. I. S. C. O. P. V. S. Servus Servorum Dei: Ad perpetuam rei memoriam.

L. Audibus, & honore dignissima a cunctis fidelibus de Mercede Redemptionis Captivorum Religio, quae

ab eius institutione fecti, cum ceteri gloria totum fuit divulgata per Orbem, ac immensitate virtutum contra hostes orthodoxae fidei militando semper emicuit, promeretur, ut ipsam, ejusque personas, & bona libera & exempta, faciamus, & eaque reddamus ab omni perturbatione secura loca.

§. 1. Nuper siquidem charissimus in Christo Filius noster Alfonso Rex Aragonum Illustris, nobis significare curavit, quod licet dudum Praedecessores, seu Reges Aragonum, qui fuerunt pro tempore zelo devotionis excitati, quam plurimum Christi fidelium, quos impii Saraceni fidei Catholicae hostes assidue capiebant, captivari compatiens, illorumque redemptionibus suis, & aliorum Christi fidelium suffragiis consulere satagentes, Apostolicae Sedis ad id auctoritate suffulti, Monasterium B. Mariae de Mercede Redemptionis Captivorum Barchinonense de novo fundaverunt, & exerunt, instituentes inter cetera, quod Fratribus, & Religiosis dicti Ordinis officium, curaque assidua circa Captivorum praedictorum Redemptionem, & Christi fidelium elemosynarum ad Redemptionem eandem summe necessarium existeret; ex quo quidem Ordine, qui per diversas Mundi, praesertim totius Hispaniae partes, ac provincias amplius existit, ejusque Monasteria jam pluribus notabilibus aedificiis constructa reperiuntur; Tamen Fratres, & Religiosi Ordinis praedicti, a locorum, in quibus degunt Ordinarii Ordinem ipsum, & illius Fratres ac Religiosos, sibi, eorumque jurisdictioni ordinariae subiectos esse praetendentibus, super charitativis subsidiis, aliisque tributis & exactionibus per Ecclesiasticas suarum diocesium personas non exemptas eisdem Ordinariis persolvi solitis. Similiter per fratres, & Religiosos d. Ordinis de bonis per ipsos a Christi fidelibus pro dictorum Captivorum redemptione elemosynaliter, & ostiatim mendicatis exolvendis per amplius gravantur, & inquietantur; praesertim etiam Magister Generalis, Priores, sive Commendatores Ordinis, & Religionis huiusmodi in eorum jurisdictione circa dicti Ordinis subditas, & inferiores personas ad ipsorum ordinariorum curias illico confugientes, in visitationibus, & correctionibus faciendis multipliciter impediuntur. Unde dictorum Captivorum Redemptionis fructus adeo salutaris & necessarius aliquando diminuitur. Unde Ordo, religiosa Monasteria, & illius, illorumque religiosae personae, ac bona, si a praedictorum Ordinariorum jurisdictione plenarie eximerentur, absque dubio fructus huiusmodi non parum ampliaretur. Quare pro parte ejusdem Nobis fuit humiliter supplicatum; quatenus dictum Ordinem Beatae Mariae de Mercede Redemptionis Captivorum, ac illius Religionem, necnon praefatum Beatae Mariae de Mercede Barchinonense Monasterium, quod ejusdem Ordinis caput existit, omniaque alia, & singula Monasteria, illius domos, & loca, necnon Magistrum Generalem, Priores, Praeceptores, sive Commendatores, Fratres, Religiosos, aliasque personas, & bona tam mobilia, quam immobilia, praesentia, & futura Ordinis, Monasteriorum, Domorum, locorum, Magistri Generalis, Priorum, Praeceptorum, Commendatarum, Fratrum, & Religiosorum praedictorum praesentium, & futurorum ubilibet consistentium ab omni superioritate, jurisdictione, & obedientia tam praesentium, quam futurorum Archiepiscoporum, & aliorum quorumcumque ordinariorum locorum, in quibus Ordo, Religio, Monasteria, Domus, & loca, necnon Magister Generalis, Priores, seu Commendatores, Fratres, & Religiosi, ac illorum bona praedicta existant, perpetuo eximere, & liberare, aliasque in praemissis opportunè providere de benignitate Apostolica dignaremur.

§. 2. Nos igitur attendentes quanta utilitas, quantaque honor fidei Christianae ex huiusmodi Religione provenit, huiusmodi supplicationibus inclinati, praefatum Beatae Mariae omniaque alia, & singula illius Monasteria, domos, & loca; necnon Magistrum Generalem, Priores, Commendatores, Fratres, & Religiosos, aliasque personas, & bona tam mobilia, quam immobilia praesentia, & futura Ordinis, Monasteriorum, domorum, locorum

Ordinem B. Mariae de Mercede, & ea sub immediata protectione Sedis Apostolicae receptum declarat.